

OPTIEK  
Oranjestad  
San Nicolas

Diario



pa Aruba



DIARAZON 5 DI APRIL 1961

Nr. 4004

# MERCA A HACI UN YAMAMENTU NA GOBIERNO CUBANO

WASHINGTON, 4 april — Merca a haci un yamamento riba gobierno Cubano pa „kibra su lasonan cu movimiento internacional di comunismo”. Esaki Merca a haci den un publicacion di State Department titula „Cuba”. Den e publicacion aki nan ta bisa cu gobierno di Castro ta dictadura, cu tin relacion cu un movimiento totalitario cu ta worde influencia door di comunismo na tur parti di America Latina. Nan a acusa Castro di a forma un puente principal pa comunismo den territorio Caribe.

Cubanonan ta keda nos hermanonan, asina ta para den e publicacion di „State Department” y nos ta reconoce tur e errornan cu nos por a comete antes pa cu e pueblo Cubano.

Nos y tur otro paisnan den mundo occidental tin e proposito firme pa den futuro apoya un gobierno democratico pa Cuba y nos lo juda e pueblo den su esfuerzonnan pa logra libertad, democracia y derechonan social. Ta pesey un biaha mas nos ta haci un yamamento riba e regimen di Castro pa kibra lasonan cu comunismo internacional. Si e gobierno ninga na haci esaki anto nos ta confia cu pueblo Cubano den su afan pa libertad, lo keda lucha pa un Cuba liber.

Por ultimo gobierno Mericano ta muestra den su publicacion, cu for di

medio 1960 Union Sovietica y su aliadonan a transporta un cantidad di arma pa Cuba di mas di 30.000 toneladas cu tin un balor di mas cu 50 milyon dollar. Asina ta para den e publicacion di State Department.

## HAZENBERG LO REPRESENTA ROTARY NA TOKYO

ORANJESTAD — Dokter A. J. C. Hazenberg awor a keda oficialmente nombra pa presenta e Rotary Club di Aruba durante di e convencion anual di Rotary International, cu e anja aki ta worde teni na Tokyo, Japon. Sr. Hazenberg, kende tog tabata di interseccion pa den su proximo vacacion viahe den e direccion avi, pues ta uni e dos cosnan aki. E convencion ta dura di 28 Mei te 1 Juni.

# Yegada di premier De Quay na aeropuerto Schiphol

SCHIPHOL, 4 april — Despues di un viaje nocturno cu a dura 7 ora, ministro president di Hulanda prof. dr. J. E. de Quay a yega awe mainta mitar di ocho na Hulanda. El a caba di termina un viaje door di Surinam y Antillas y a sali despues cu e avion di KLM DC-8 for di New York pa Schiphol. Asina el a jega Hulanda e prome ministro a haci un declaracion tocante su viaje pa prensa, radio y film. El a bisa di ta masha satisfecho manera su viaje a tuma lugar.

E prome ministro a declara, cu gobierno Hulandes lo no ninga un peticion di Surinam pa tene un conferencia di mesa rondo. E statuut a worde construi riba base di voluntad, y si un dje partnernan nan ke discuti pa cualquier cambio nos ta dispuesto tur momento. Ma nos ta nos tres. Pesey un conferencia di mesa rondo por tuma parti solamente cu gobierno di Antillas tambe duna su aprobacion.

E cantidad di dianan cu e prome ministro tabatin el a partiele net na dos, diez dia na Surinam y diez na Antillas. Despues profesor De Quay a bai pasa dianan di Pascu cerea su jiu muhe casa y cu ta biba na Canada.

Den su impresion general e prome ministro a bisa, cu Surinam ta un pais calor, humedo y cu a cuminsa desarolla. Antillas tin secura. Na prome bista e ta muestra un pais cu ta goza di gran progreso. Ma na mes momento e prome ministro ta bisa cu e ta poco preocupa pe asunto di desem-

plo cu ta aumenta, pa motibu cu industria dia pa dia ta worde mecaniza y esaki ta stroba trabao di man.

Surinam ta cineo bez mas grandi cu Hulanda, pero tin solamente 270.000 habitante. E pais ta rico na mineralnan pero tur no a worde descubri ainda. Sesenta por ciento dje pueblo ta agrario y mi tin masha aprecio pa e plan di diez anja, asina profesor De Quay a bisa.

Loque ta na Antillas, cu tin un nivel di desarrollo mas alto actualmente nan ta busea mas ocasion di trabao, principalmente den industrializacion. Aruba tin plannan real.

Ademas riba e islanan nan ta trata na tur manera na extende turismo, loque ta posible tambe, gracias na e trafico aerea cu tin na Antillas. Na Mericanonan lo ke bula mes ora cu avionnan a reaccion, ta pesey segun e prome ministro tur e islanan aki mester tin pista di aterrizacion, cu ta suficiente grandi pa e avionnan aki.

## HOOFDINSPECTEUR MOL TA BAI

ORANJESTAD — Hoofdinspecteur G. H. Mol di Aruba lo regresa Hulanda na fin di agosto/principio di september, como cu na e tempo ey su traslado pa Antillas Hulandes ta termina. Inspecteur C. van Buren di Corsow ta un di esnan, cu ta worde jama e posible sucesor di sr. Mol.

## FEBRUARI TABATA BON LUNA PA AEROPUERTO

ORANJESTAD — Pa aeropuerto luna di februari di e anja aki tabata un bon luna, pasando di turismo. E anja aki a baha na Prinses Beatrix Vliegfeld casi 2.000 turista mas tanto cu anja 1960. Sigiente cifranan ta comproba esei:

Februari	1961	1960	1959
Aterizaje			
Comercial	235	220	201
Deporte	18	25	13
Gobierno	13	24	11
Total	266	269	225
Pasahero:			
Entrada	3327	2936	2264
Transito	2706	1548	1597
Salida	3322	2801	2173
Total	9355	7285	6034

## PRESUPUESTO Y ENTRADA-NAN DI ARUBA DURANTE 1960

ORANJESTAD — Durante 1960 territorio insular Aruba tabatin mas tanto entrada ta belastingnan cu anteriormente tabata para riba e presupuesto, ora cu nan a traha begroting pa e anja ey. E entradanan tabata f. 22.400.900,48 mientras cu e calculacionnan tabata f. 21.525.008.— Un diferencia favorable di f. 875.892,48.

E saldo favorable aki a ser ocasiona principalmente door di entradanan di winstbelasting, cual inclusivo e open-tentnan a bin resulta casi un milyon mas tanto di loke a worde calcula riba e begroting.

## 15 APRIL ATROBE „DIEF EN DIEFJESMAAT”

ORANJESTAD — Piet Wurtz, e director di „Dief en Diefjesmaat” a informa nos, cu e directiva di Amateur Toneelgroep Aruba riba hopi peticion a dicidi pa presenta e comedia un biaha mas na Aruba. E fecha di presentacion ta dia 15 april.

„Dief en Diefjesmaat” entretanto ya a worde presenta tres biaha caba cu exito, entre cuñanan un biaha pa e muchanan di scol riba iniciativa di e Stichting Culturele Vorming in Schoolverband.

Cu gran satisfaccion e toneelgroep ta pensa riba e ultimo presentacion aki cu tabata e mihor di e tresnan. E muchanan a goza enormemente y a existi un contacto ideal entre hungadornan y mirones. Apesar di e tres presentacionnan a resulta tog cu hopi a perde e comedia, pero cu ainda ta desea di mire. Esaki principalmente ta pa motibo cu durante di e debut tabatin un modeshow den Aruba Caribbean Hotel y cu e segundo presentacion tabata directamente e dia despues.

Entretanto nan a haci esfuerzonnan pa presenta e comedia aki na Corsow tambe, sin embargo pa gran decepcion di e grupo, e plan aki no por a worde realiza.

## Y.M.C.A. TA INTRODUCI OPORTUNIDAD PA KEDA DEN CONDICION FISICO

ORANJESTAD — Pa cuminsa diarazon awor y despues tur diarazon y diabiernes atardi tur hende por participa den e programa di deporte di Y.M.C.A., cu tin exclusivamente como obieto pa duna e participantenan un mihor condicion fisico. E deporte cu nan a sege pa esaki ta volleyball. E deporte aki no ta dificil, por worde hunga pa tur hende, e ta gracioso y ta tene e participantenan den condicion.

Tur hende ta bon-bini pa tuma parti den e cherecionnan aki, maske nan no ta miembro di Y.M.C.A. Maske nunca ho a hunga volleyball no ta importa. No ta encurtacionnan pa mira kende ta gana, of pa forma un seleccion pa un competico: ta unicamente na un placer y pa keda den condicion fisico.



Durante di e despedida di sr. Jules Wagner diarazon ultimo for di e cuerpo di Duane, tabatin un momento cu Gegaghebbber F. J. C. Beaujon a dirigi palabranan na sr. Wagner (na drechi) manera nos por mira riba e fotografado aki

# Chofernan sin rijbewijs tin cu bai DAKOTA

ORANJESTAD — Ta parce cu e chofernan cu un o mas biaha a jega di hanja nan mes dilanti huez pa motibo di a viola leyenan di trafico, na cual ocasion nan rijbewijs a ser kita, awor ta hanja castigo di detencion na Dakota, pa motibo cu nan no a muestra mucho respet pa e sentencia di huez y a sigi stuur auto tog.

Algun chofer mester a comproba esaki riba Huebels Santo, ora cu huez mr. J. Eleonora den Promie Instancia a sentencianan pa castigo di detencion na Dakota.

Primeramente tabatin F.C. 32 anja, un verdo na Lago kende ta biba na Seroe Pretoe, y kende den su oranan liber ta traha mecanico di auto.

C. no a respecta sentencia di huez, ora cu na juli 1960 su rijbewijs a worde kita. Dia 19 di februari di e anja aki polisnan a hanjele ta stuur, na momento cu e sentencia di huez tabata valido ainda.

„Bo sabi kiko ta un sentencia?” tabata pregunta di mr. Eleonora, kende, despues cu acusado a contesta cu si, a bisele cu „mester respecta esaki tambe”.

Acusado a muestra cu el a bai pa juda un persona kende no por a start su auto despues di hopi pushamento. Acusado a caba di drechi e auto y dicidi na drenta den dje pa starte ya cu e chofer mes no por a primi e clutch y cambia e speed. E ultimo aki a pone e huez haci e observacion „ta ki clase di chofer e ta anto?”.

Pero tur esaki no a kita cu fiscal S. H. Tjong Ajong ta hanja cu ta un caso hopi serio. El a pidi un siman di detencion na Dakota y cu e rijbewijs di C. worde kita un biaha mas pa dos anja. „Conforme” e sentencia di mr. Eleonora a resonar.

Otro acusado cu no a muestra mucho respet pa e sentencia di huez tabata J.T. 32 anja biba na Paradera y un klerk na Lago.

„Corremento di auto mientras cu rijbewijs tabata kita durante un sentencia anterior di huez” tabata e acusacion contra di T. Patrulla di stad a para acusado riba L. G. Smith-Belevard dia 12 februari, ora cu nan a mira e auto ta slinger. Tabata e mico biaha cu acusado tabata desobedece, segun el a declara, pa motibo cu el a haci un amigo un favor door di h’e boto di e amigo den su auto pa hama.

## Arrestacion di dos hoben na Thonon-Lesbains

THONON-LES-BAINS, 4 april. — Polis di Thonon-Les-Bains, a aresta dos hoben dialuna anochi, cu a tira un carta di amenaza den brievenbus dje alcalde di e ciudad aki. Den e carta tabatin scirbi: „Pronto lo ho hania, loke Blane tambe a hania”. Manera ta conoci diabiernes Camille Blane, alcalde di Evian a muri a consecuencia di explosion di un bom di plastic cu nan a pone den vensterbank di su cas, Ave su inferno a tuma lugar na cual hopi hende a asisti.



## LITTLE LEAGUE

ta anuncia pa  
AVENUCHI 5 DI MAART PA 7.30 ‘OR P.M.

den

WILHELMINA STADION

U.S. KEDS vs. LIBBY'S (North)  
(San Nic) (Savaneta)

# COMEDIA — MUSICA — BALLET BAILE FOLKLORICO RHODA'S MUSICAL SHOW

SOCIEDAD BOLIVARIANA

7 di April pa 8.00 'or p.m.

ENTRADA: FL. 2.—

Kaarchi obtenible na: Boekhandel De Wit —  
Aruba Post — Aruba Trading Company  
CUMRA BO KAARCHI NA TEMPO



## Tirador di botter captura

SAN NICOLAS — Den Rodgerstraat patrulla a mira com pa diezcinco minntu pasa di mei anochi diadomingo un muchacha homber a tira un botter riba un grupo di personas y a corre bai. Nan a sigi y despues cu nan a coge e muchacha aki, D.A.T. nan a hibe pa warda. Un rato despues a presenta na warda. Un rato despues a presenta na warda un tal R.N. kende a reconoce e muchacha aki como esun cu den compania di algun otro muchacha mas a maltrata.

D.H. tabata bau di influencia y a bai den cel. Na warda a sali na cla cu e muchacha aki cu su grupo tabatin e costumbre di lok pelen cu otro hende. Proces-verbal a ser traha contra dje.

F A T U M — Tel.: 1845  
pa tur bo aseguranon

## Homber a tira piedra y corre bai

SAN NICOLAS — Un tal A.P. dialuna atardi pa un cuartu pa seis tabata tira piedra riba un pickup para canto di eminda. Algun di e piedranan a bin cai riba caminda na unda tabatin hopi trafico na e momento ey. Na momento

cu el a mira patrulla A.P. a purba pa baha na awa, pero nan a garele y a hibele warda na unda e proces-verbaalnan necesario a worde traha.

## Homber herida na cabez

SANTA CRUZ — Viernes Santo pa nueb 'or y diez di anochi e homber F.B. tabata drumi herida banda di a hibe telefon publico na Ayó. El a declara di a cai contra di un piedra y a herida su cabez. El a ninga di bai dokter y e ora ey patrulla a hibele cas.

## Pelea entre ruman

TANKI LEENDERT — Dos ruman di e familia F. e pega pelen cu otro dialuna anochi pa diezun'or. Un di nan tabata bau di influencia y a bai warda.

## VIOLINISTANAN HOBEN DILANTI RADIO

ORANJESTAD — E Arubaanse Jeugdorkest, un jiu mima di Ad Stenzen, kende manera nos sabi ta dirigi tambe e Arubaanse Symphonie Orkest, lo dina diahuebs awor pa prome biaha un presentacion publico. E grupo aki di alumnunan di violin di sr. Stenzen e dia ey lo duna un presentacion na Radio Kelkboom, na unda Glenda Lman lo compania e violinistanan riba piano. E violinistanan ta Rudie Maasdamme, Ivonne Jermis, Joan Tjong Sie Fat, Bea van Dijk, Dorne Edwards, Lucie Westenberg, Dennis Hienke, Roy Sharp, Arthur Broadbelt, Howard Tjong Ajong, Wil Tjong Ajong, Leatitia Ho Kang You. E programa ey lo ta escuchable pa seis 'or y mei di anochi ta anuncia e melodias den F. di Arthur Rubinstein, un serenade di G. Braga y e pieza „Souvenir de Moscow” di Wieniawski.



E Arubans Jeugdorkest bau di direccion di Ad Stenzen cu diahuebs awor lo actua den studio di Radio Kelkboom.



Diasabra ultimo e re-apertura di Uchee's Place a tuma lugar bau di direccion nobo di sr. Jacobo Croes, kende nos ta mira aki riba na robez. Mei-mei ta srta. Roxana Croes, jiu di sr. Croes, y Lorenzo Tromp, empleado den e restaurant y refresqueria aki.







## CENTRO CULTURAL ARUBA

E CORO MIXTO  
"VIVONS EN CHANTANT"  
directar AD STENZEN  
ta presenta

Diaron 5 di april pa 7.30 p.m. na Iglesia Santa Teresita, San Nicolas y Diabuebs 6 di april pa 7.30 p.m. na Iglesia Santa Anna, Noord

## UN CONCIERTO DI PASCU

cu cooperacion di:

LUCIE HENRIQUEZ — soprano  
AD STENZEN — violin  
ALB. KOOLIKER — organo

Entrada: Fl. 0.75

## GRATITUD

Pa medio di esaki nos ta expresa nos mas sincera gratitud na tur esnan cu di un manera of otro a demostra nan atencion na ora di morto di nos muy querida mama, wela y bisawela

## DOROTHEA HENRIQUES CROES

Tambe nos ta gradie "Zuster y Verpleegster" na Paviljoen San Miguel, su dos asistanan y Gilberto Dirks.

Na nomber di su floenan

Ana Curjel, Maria di Luvo, Ardicno Croes y familia

VACANTIE... BUNITA RAPPORT!!!  
"MARISKA"

juegos di domino — lotto — Ludo — monopolie — electro, dam, schaak y mucho mas. Kleurdas — kleurbakjes — pinseel — Rompe cabeza di tur sorto pa 6 te 60 anja. Baeki, comics, foto di artistanan, albums. Ay na chansa, Mariska tin nopi cos na prijs sumamente barata. No lubida!

## BOEKHANDEL MARISKA

## UCHEE'S PLACE

NASSAUSTRAT 79

ta avisa cu awor e ta worde dirigi pa su propietario nobo

## Sr. JACOB CROES

NOS LUCHA TA PA SEMPER DUNA E MIHOR SERVICIO POSIBEL NA HENTER E PUEBLO DI ARUBA

Nos restaurant y refresheria awor ta surti cu e mihor camida y bebida.

PORQUE PREFIERES EL  
FAMOSO RON

## BOCA CHICA?

PORQUE ESTA COMO A  
MI ME GUSTA



86° PRUEBA

DESTILERIA SERRALLES, INC.

Sole distributors: **E.F. DEBROT Inc.**

## AMOR Y CAPRICHIO

pa: Tuynchi

No. 64

E musica a paraliza. Solamente a resta awor un disonante skerpi Poco poco el a draai y a queda ta mira Roger. "Mi quier a puntra mi mes cu lo bo por a lubida e peza ei". Su teno tabata bafonante: "Awor mi ta mira cu tochi n' tabata asina". Roger a queda ta mire duru den su cara y a puntre despues: "Ta cuanti asina bo sa?" El a sonrei cu melancolia y sinembargo bafonante: "Mi sa tur cos". Anto calmo el a bisa: "Si acaso bo sa tur cos anto. Larga nos combersa y bisu mi cla ta quico bo quier".

Bavaria II campeon den 2e klas,  
Don Bosco campeon den 3e klas

ORANJESTAD — Den e campeonato 1960/61 di A.T.T.A. tur e campeonnan ta conoci awor. Si algun siman pasa nos par a publica e campeonato di Don Bosco den 1e klas y di e seccion di Junioren, awor a resulta cu e lucha den 2e klas tabata masha fuerte. Principalmente e papel cu Estrella a haci tabata un sorpresa.

Despues di un comienzo un poco floho nan a sabi di recupera excelentemente pa asina titula sub-campeon den 2e klas. Bavaria II cu ta consisti di hungadornan hoben a perde den su segundo partido di Don Bosco V, y a empatar contra nan rumann mas grandi Bavaria I. Despues di esaki nan a sigi riba e caminda di victoria y a obtene e campeonato cu 13 puntos for di 8 partidos. Durante seis partido Don Bosco I tabata empatar cu Bavaria II, pero a perde e bon caminda despues di

e derrota contra di Bavaria II. Como cu e partido entre Bonaire—Don Bosco IV no por worde inclui ainda den e tabla di posicion, e posicion final na e momento aki ta manera ta sigi:

	H.	P.	games
Bavaria II	8	13	51—29
Estrella	8	12	57—23
Don Bosco I	8	11	44—36
Don Bosco II	8	8	49—31
Don Bosco IV	7	8	39—31
Don Bosco III	8	6	37—43
Don Bosco V	8	4	33—47
Bavaria I	8	4	24—56
Bonaire	7	4	20—50

SHOW FUJII-BERGMAN  
DIA 23 NA ARUBA

ORANJESTAD — Awor ta definitivamente, cu e mas grandi hungador di ping pong di e tempo aki, e Ingles Richard Bergmann lo bishita nos isla pa di dos biaha dia 23 april vendidero.

Aruba Table Tennis Association a logra firma un contrato cu e famoso Bergmann, cu intencion pa laga e hungador mundial aki duna un segundo demostracion na nos isla.

Richard cu ta defende famoso lo actua, mescos cu tabata e caso na 1959, hunto cu e mes famoso Japonés Norikazu Fujii.

Ora cu ATTA a tende cu e dos hungadornan aki tabatin intencion pa haci un gira den Caribe, e directiva no a vacila na pidi nan pa bini Aruba. Directiva di ATTA a basa su mes na e decision aki riba e exito rotundo cu e Bergmann-show a cosecha na april 1959. Un sola casi jen a goza e tempo ey y a paraliza pa e espectacular unico cu a worde demostra e tempo ey riba e escenario di Centro Cultural.

E articulo di mihor ta  
jega prome na  
KEES GROCERY N.V.  
Tel. 1079—1918  
J. G. Emastraat 30

Tambe e biaha aki e actuacion di Bergmann y Fujii ta tuma lugar den Centro Cultural, anochi pa she'or y mei. E cortinan na banda di e escenario amplio lo worde kita, door di cual ta surti un lugar pa hunga ideal pa un wegá grandi di ping-pong. Na 1959 Bergmann a observa, cu durante henter su giranan solamente poco biaha e tabatin un acomodacion asina adecuado na su disposicion. Ta bini acerca, cu e vloer di tabla tambe ta ideal pa ping-pong, ya cu e hungadornan y e bola ta hania e flexibilidad y elasticidad necesario.

Pa demostracionnan di ping-pong y Centro Cultural ta un lugar masha adecuado, tanto pa e hungadornan como pa e publico.



E sub-campeon mundial di ping-pong Richard Bergmann kende hunto cu e Japonés Fujii lo bini duna un show na Aruba.

Un yamamentu  
na Catoliconan  
Suramericano

BUENOS AIRES, 4 april. — E primado catolico na Argentina, cardinal Caggiano, a haci un llamamentu na e catoliconan di Suramerica pa reuni nan mes contra comunismo. El a avisa especialmente contra e propaganda di Cuba, den cual nan ta presenta iglesia catolico como un aliado di capitalismo y imperialismo. A ser proba, segun e cardinal cu gobierno Cubano ta persigui iglesia catolica, libertad di ensenjanza y di prensa.

Tormento a causa  
hopi danjo na  
New York

NEW YORK, 2 april. — E parti zuid oost di Merca a sufrí di diabiernes pa diasabra un tormento, door di cual por lo menos tres persona a perde nan bida. E danjo ta considerable. E ruinan den e territorio relaciona, di cual e awa a subi hopi, a pasa nan orillanan.

## DR. F. E. A. BLOM

## AUSENTE

Consultanan lo cuminsa atrobe  
dia 12 di april 1961

Pa medio di esaki nos ta expresa nos mas sincera gratitud na tur esnan cu di un manera of otro a duna nan cooperacion durante buscamiento di e boto Gladys. Principalmente na Sr. Albertico Arends y Senjora y na Sr. Vda. Zeppenfeldt.

## Cumpleanjos

A cumpli anja sra. Teresita Irena Ranes y ta ricibi felicitacion di su tata Gerardo Ranes, mama Adeleida Ranes, 5 rumannan, tantanan, sobrina, familiar na Curacao, amiganan srta. Rosalinda Marinus, Isabela Sapuano, Delia Hoevertz, y demas familia y conocinanan.

Ta cumpli 7 anja e hobencita Ingrid Furro y ta ricibi felicitacion di su mama Seferina, wela Estela Furro, wela Dodo, tantanan Susita, Carmen, Alicia, Veneranda, omonan Chomay, Inocencio, Primitivo, primanan Liria, Sierma, Sandra, Debbie Furro, primonit Rolando y Hubert Roza, madrina Maria Tromp, especialmente di tur su amiganan di Eerste Klas di Sint Anaschool na Noord.

Ta cumpli anja sra. Agnes Tromp y ta ricibi felicitacion di su esposo Guillermo Tromp, jiu Jolanda, mama Maria, tata Augustin, rumannan Victoria Chipi, Carlos, swa Sittie Kelly, y familia Tromp-Kelly.

E hobencita Elvia Evelin Angela ta cumpli anja y ta ricibi felicitacion di su mama Sira, tata Fernando, rumannan Roberto, Lucia, Roland, Nicomedes, Mito, Rosinbo, Maria, wela Johanna, y Mauricio, wela Jose Rodriguez, tambe di su tantanan y omonan, madrina Cecilia Vasquez, padrino Rafael Angela y demas familia Angela, Rodriguez y Geerman.

E hobencita Vito Feliciano Geerman ta cumpli 5 anja y ta ricibi felicitacion di su tata Silvester, mama Maria, rumannan Jacobo, Margarita, Anna, Imelda, Theo, Edwinia, Julia, Robby y Angelina Geerman, amiguitonan Johnny, Mitje, Naldo, Rafael, muy especialmente di su madrina Celio Ruiz, padrino Luis Grews, y demas familia Geerman, tanta y omonan.

Awe ta recorda su fecha natal sra. Cornelia Kelly y ta ricibi hopi felicitacion di su esposo Pedro, jiu Juan Joseph, Alida, Ruben, Bernadette, Cusi-miro, Jolanda, y Raymond, suera Ursula, nieto Richard, nieta Iris y demas familia Giel, Tromp, Qlandes y Frank.

OFICINA MARITIMA  
DE ARUBA  
TEL. 1622

Formularios aduanes pa importacion y exportacion de mercancías

Ta recorda su feliz cumpleanjos y simpatica hobencita Carmen Tromp y ta ricibi felicitacion di su mama Rosa, rumannan Juan, Eric, Roque, tanta Caietien y Elisabetta, prima Lilia, primo Rudy, y Eli, madrina Baby, Filomena Giel y demas familia Tromp, Heide, Giel, Eekmeyer y Farro.

E hobencita Lourdes Bernadette ta cumpli 2 anja di feliz existencia y ta ricibi felicitacion di su tata Modesto Maduro, mama Chena, rumannan Sonia, Robert, wela Eliza Isabela, wela Lindoro, tanta y omonan, madrina Alida van Wijk, padrino Diehi Bricono, prima y primonan y demas familia Maduro y Bricono.

Ta recorda su fecha natal e hobencita Lina Boekhoudt y ta ricibi hopi pabien di su estimada mama Augustina, papa Johannes Boekhoudt, rumannan Chichi, Buchi, Lucio, Efraim, Theofilo, Jolanda, David, Ruben, Reina y Franklin, pepe Jasinta, pepe Aura Farro, omo Hose Britten, tanta y omonan, familiarnan, amiguitonan di derde klas na Noord y di su juffrouw Helena Britten.

## CEMPRO N.V.

Wayacka - tel: 2444

PA TUR BLOKKI PREFAB  
BALKI RIBA BENTANA  
CEMENT DI PRIMERA CALIDAD

Sr. y Sra. P. W. van de Berg  
y jioenan.

## Agenda

ARUBAANSECOURANT,  
diariamente cu excepcion di  
diadomingo

Edita pa:  
N.V. ARUBAANSE DRUKKERIJ. EN  
UITGEVERIJ. EN PUBLICITEITS MA-  
NAGERSFIRMEN. O'Leary, Aruba N.A.  
Superficie 73. — paga adelante  
Edicion suelta 20 ct.

Telefon:  
1110 Directiva y anuncio  
3110 Redaccion y suscripciones  
Directora: Boedredacteur: D. Weff  
Imprenta na N.V. Drukkerij „De Stad“  
Edicion suelta obtenible na 20 cent na:  
Union Store, San Nicolas — Boekhandel  
Mariska, Oranjestad — y Cabana Shop  
Aruba Caribbean Hotel.



DISTRIBUTOR  
**WIMCO**  
Nassaustraat - Tel. 1399—1381

## CINE

Diaron 5 di april  
DE VEEER: 8.30 „Bestias de la Ciudad“  
10 J.  
RIALTO: 8.00 „The Loves of Carmen“  
14 J.  
PRINCIPAL: 8.00 „The Loves of Carmen“  
18 J.  
ATLANTA: NO TIN CINE  
SAVANNAH: 7.30 „The Laramie Trail“  
A.L.

## WIT GELE KRUIS

Zr. Ewald - Zr. Ferpel - tel 2200

## BOTICA DI WARDA

Cariacou, BOTICA OUBREY TEL. 1700  
San Nicolas, BOTICA SAN LUCAS TEL. 5119

## POSTSLUITINGEN

Woesdaging

Barranquilla 15.30, Bogota 8.30, Curacao 8.30 & 16.00, EUROPA 8.30 & 15.30, Miami 8.30, New York 8.30, Panama 13.30, Caracas 15.30, Bonaire 8.30.

## RADIO KELKBOOM

Diaron 5 di april

8.00 Opening  
8.02 Selection Musical cu disco Latino  
8.30 Cumpleanjos Feliz  
9.00 Variacion Musical cu discos Europeu  
9.30 Musica Instrumental  
10.00 Ritmo Latino  
10.30 Noticia di N. Habibe Jr. Supermarket  
11.00 Musica de Norte America  
11.15 Musica Antillana  
11.30 Musica varia  
12.00 Lunchmuziek  
12.10 Aruba Candel ta presenta „Noticias Locales“ (Pap.)  
12.20 Intermedio Musical  
12.30 Aruba Boekhandel bledt U „Nieuws in het Nederlands“  
12.45 Intermedio Musical  
12.55 Viana Auto Supply brings you „Nieuws in a nutshell“ (Eng.)  
1.00 Musica varia  
1.30 Mei ora cu Roteros  
2.00 Variacion Musical  
2.30 Musica Instrumental  
3.00 Cha cha cha  
3.15 Merengues  
3.30 Ben super plaza cumprando na La Esperanza  
4.00 Ranchera  
4.30 Noticias na Pap. pa cortesia di Wimco  
4.45 Crotas musical  
5.00 Danzones Cubanos  
5.15 Juan Serano  
5.30 Variacion musical  
6.00 Fiestas de Calypso  
6.15 Carlos Argentino  
6.30 Dinnermuziek  
7.00 Aruba Trading Co. ta presenta „Noticias Locales“ (Pap.)  
7.15 Musica varia  
7.30 Musica Antillana  
7.45 Aruba Boekhandel bledt U „Nieuws in het Nederlands“  
8.00 Norte Americana  
8.15 Colgate Palmolive ta presenta su novela „Estrellita“  
8.30 Variacion Musical  
9.00 Falciones  
9.30 Musica varia  
10.00 Sluiting.

## RADIO VICTORIA

Diaron 5 di april

11.00 Apertura  
11.15 E Mundo Femenino  
11.30 Melodias di Meridia  
12.00 Ultimas Noticias  
12.15 Musica Sagrada  
12.20 World News  
12.45 Organ Memories  
1.00 Radio Concert Hall  
2.00 The Reading Room  
2.15 Sacred Songs  
2.30 The Quiet Hour  
2.45 Snusator Musicales  
3.15 Cafe con Musica  
3.30 Ecos del Cielo  
4.00 Musica di Bonaire  
4.15 Ecoman Celestial  
4.30 E hora Adventurina  
4.45 Waltznan Favorita  
5.00 La hora Nazarena  
5.15 Palabranan di Bida  
5.30 Intermedio Musical  
5.45 Tironeto  
6.00 Ultimas Noticias  
6.15 Bo pregunta Contesta  
6.30 Noticias Rutandees  
9.40 Musica Clasica  
1.15 The Bandstand  
7.30 Cavalcade of America

8.00 World News  
8.10 Off the Record  
8.30 Back to the Bible  
9.00 Musical Gems  
9.30 Light and Life Hour  
10.00 World News  
10.15 News that Live  
10.30 Sign Off

RADIO CARACAS  
TELEVISION

Miercoles 5 de abril

8.35 Patron de Radio Caracas Television  
8.57 Informacion sobre los progr. del dia  
9.00 Documentales  
9.30 Senderos de luz  
9.45 Cinematograficos  
10.00 El Calendario de mama.  
10.30 Cosas de Mujeres  
11.15 Cortos Cinematograficos  
11.30 La Perfecta Ama de Casa  
12.00 LAC V.I.R.T.V. Informa a la Nacion  
12.05 Telenovela Fab  
12.25 Show de Saune  
1.35 El Imparable Television  
2.00 Punto y Aparte  
2.30 Club Femenino  
3.00 Estudio de Hector Monteverde  
3.30 Telenovela  
4.30 Club de los Nietos  
5.30 Cine variedades „Yukery“  
6.00 Show de Rema  
7.15 La novela de las 7.15  
7.30 Papa lo sabe Todo  
8.00 El Observador Creole  
8.15 Su novela Palmolive  
8.30 Esta noche Billie  
9.00 Novela Camay  
9.15 Anador Bendayan en T.V.  
9.30 Persiguiendo el crimen  
10.00 Noche de gala  
11.00 Cine-programa  
12.30 Marcha Oficial  
Despedida

Himno Nacional

## VOZ DI ARUBA

Diaron 5 di april

06.00 Apertura  
06.05 Nos oracion di mañanta  
„The Lord's prayer“  
06.04 Thoughts of the day  
06.05 Melodias Antillanas  
06.14 Thoughts of the day  
06.15 Viana Auto Supply Co. brings you „Nieuws in English“ C. P. J. Celair  
06.20 Melodias Antillanas  
08.29 Thoughts of the day  
08.30 Viana Auto Supply Co. brings you „Nieuws in English“ C. P. J. Celair  
08.45 Ecos Internacionales  
09.00 Bienes de Moda  
09.15 E artista di siman  
09.30 Variacion Musical  
09.45 E Orquestra di awe  
10.00 Colgate-Palmolive presenta su novela „La hija del dolor“  
10.30 Fuente Musical  
11.00 Musica di awe, manjan y semper  
11.15 Mambo, merengues y merecumbes  
11.45 Popular American Melodies  
12.00 Muziek uit Nederland  
12.15 Mercurius Trading Co. bledt U „Nieuws in het Nederlands“ o.l.v. J. Schout  
12.30 Selection musical di meridia  
13.00 Viana Auto Supply Co. ta ofrece „Mundo en marcha“ o.l.v. Adrian Arends L.  
13.15 Conjueto y artistanan Antillana  
13.40 Proctor & Gamble presenta su novela „La GATA“  
14.00 Revista Musical  
15.00 Complaciendo peticiones di nos oyen-  
tenan na exterior  
15.30 Selection di musica popular  
16.00 „Complacencias“  
17.00 Felicitando nos oyentenan  
17.30 Musica varia  
18.00 Atardecer Musical  
18.15 Petrona & Croes ta presenta „El Observador“  
18.30 Ora di Lago  
18.55 Thoughts of the day  
19.00 Viana Auto Supply Co. bring you „Nieuws in English“ C. P. J. Celair  
19.15 Concert of popular instrumental  
melodies  
19.30 La Esperanza Supermarket ta presenta „Economia cumprando na La Esperanza“ o.l.v. A. Croes.  
20.00 Viana Auto Supply ta ofrece „Mundo en marcha“ o.l.v. Theo Kuiper  
20.15 Aruba Trading Co. presenta „Caballada Deportiva Schlitz“ o.l.v. Tico Kuiper  
20.30 Colgate-Palmolive presenta su novela „Entre dos Almas“  
21.00 Programa la Esperanza na Hulandes  
21.30 West Indian program by B.W.I. Ass. in Aruba.  
22.00 Noticia na Spano o.l.v. E.N. Curet

DI E CAMPEONATO DI  
LITTLE LEAGUE

(Di nos redactor Deportivo)

E ultimo tres waganan di e campeonato di Little League tabata tin e siguiente resultadonan. Wigley's P.K. 2 a derrota e flecheronan di Arrow cu anotacion conito di 17 pa 4. Ocho hit e vencedornan a conecta contra di dos di nan adversarionan. E errornan tabata 2 pa Wigley's y 5 pa Arrow. Pitcher ganador tabata 1. de Kort, y 1 perde M. Peterson.

O So Grape a derrota Adams Chiclets cu score di 15 pa 4. Un dozin di hit a worde conecta door di O So Grape y tres door di Adams Chiclets. E errornan tabata respectivamente 1 y 7.

S. Tromp tabata e pitcher ganador y 1. M. Tromp a perde. Door di e hungador di O So Grape Lohio Ridder stap, kende ademá di varios hit mas, a worde conecta un homerun.

E segundo match di ayera a resulta den e promer victoria pa e novena di Noord Nutricia. Nan a derrota Arrow 9 pa 7. Cinco hit y cinco error tabata e trabao di Nutricia y di Arrow tabata cuatro hit y 2 error.

A gana pa Nutricia e lanzador V. Tromp y a perde pa Arrow M. Peterson. C. Farro di Nutricia a conecta un homerun.

## TA BENDE

Mueble di dormitorio  
Mueble di comedor  
Colchon di spring  
Stoaf di gas

PONTON 62A

## PA SOLAMENTE

Fl. 230.— (cash)

bo por compra e super marca

IMPERIAL

LIFT-A-TOP

STOOF DI GAS

ARUBA TRADING CO.




## CISCO KID

1. "Cisco tin e mapa!" "Sin duda!" 2. "E ta na sonjo.... bo ta quiere cu.....?" "No! Nos lo mester signan te ora nan hiba nos na unda e ora ta!" 3. "Cisco ta bay sospecha ora e descubri cu nan a golpea su amigo!" "Pero lo e no sa kende a golpear!"



## JUAN EL INTREPIDO

1. "Sarina a gana nos otro- be, Nago! E la cerra e porta!" "Sigur cu e no ta bay camina, pero si e auto no tabatin gasoline....!" Con.....? 2. "Tabata un invento di die cu e tanki tabata bashi!" "Y e porta aki un no tin hende habri! Con nos ta haci pa jega cerca e premier pa avise?"



## DICK TRACY

1. "Un hende jaloeis di bo y bo baby a dicidi di quibra e carrera na Television door di a kima su barba!" 2. "Nan a venena e cria, fia su uniform y jabinan, y pone su lighter den e cuna di e baby." 3. "E morto di e cria di hotel como resultado di chloral hydrate, ta muntra cu ta un asesinato. Kende, bo ta conoce. Fresh, cu por ta odia bo asina tanto?" 4. "Ningun hende, ningun!"



## RIP KIRBY

1. "Manera mi a bisa bo, mi a pasa aki banda poco anja pasa y mi a hanja e resto di e auto...." 2. "Y bo no a mira senjal di e hoben cu a tree e te aki, Gila?" "No, e auto tabata hopi tempo aki." 3. "Solo ta sali, señor." "Y ohala cu e por duna claridad riba e misterio, Desmond."



## EL PRECIO DEL TRIUNFO

1. "Bunita muchacha.... pero mi mester averigua si ta e...." "Tony, ha, mi a mira bo miré fijamente!" 2. "A verdad, Michele querida! Bisa mi, pa casualidad, e por ta familia di un magnate industrial en jama Paula Bosworth?" 3. "No pa casualidad, pa nacimiento. E ta su jini su jini! Mi mester ta lagé ski na e ruta pariba!"




## EL DIARIO DE UNA VIDA

1. "Pensando, Tuto?" "Si, Evita, pensando.... y miche." 2. "Por ay nan ta bisa cu bo ta bay asocia bo cu e tata di Tula den su negoshi lucrativo. Esey ta diel ho?" "Otro cos ta preocupa mi!" 3. "Tula ta preocupa mi! Si mi no tabata sa cu e ta sima mi, lo mi a hura cu e ta odia mi!"



## PEPITA

1. "Ta cu kende Goyito ta bay baile awe!" "Jack Herring." 2. "Ta con bini Goyito ta hiba un mucha homber baile?" 3. "Ta pa economia, papa." 4. "Ora e hiba un mucha homber e no tin mester di compra flor!"



E delegacion Arubano di baseball cu dialuna pa 1'or y 15 p.m. a soli cu un avion charter di Lacsa pa San Jose, Costa Rica, pa aya representa Antillas Hulandes den e XV campeonato mundial di baseball. Den centro por mira Reina di Deporte Martina Diaz, cu a companja e delegacion te na e avion.

## Noticias di e XV Campeonato Mundial Amateur di Baseball

(Di nos redactor deportivo)

Den e Casa Presidencial, e presidente di Costa Rica, Lic. don Mario Echandi Jimenez, a ofrece un recepcion na tur e delegacion di baseball, cu cual acto Gobierno di Costa Rica ke duna e bienvenida na e visitantenan cu ta bai competi den e Centamen. Tambe door di e Direccion General di Deportes e diferente delegacionnan lo worde homenagea.

### Puerto Rico lo no t'ey

Por di Puerto Rico a worde recibí noticia cu e isla lo no manda representacion, debi na cu nan no por suspende e Campeonato di e aña aki, cu ta desafortunado den e fuenti exitoso. Ta lamentable cu lo no tin novena puertorriqueña presente va cu nan tin bon equipo y lo a yuda haci e campeonato mas interesante.

### Diezuan pais lo competi

Despues cu Honduras y Aruba a confirma nan participacion, e total di paisnan cu lo topa den e Campeonato a subi na 11. Tin un posibilidad ehilico cu ainda e por bira 12 sin embargo, Ecuinor confirma ta Mexico, Guatemala, El Salvador, Honduras, Nicaragua, Panama, Venezuela, Brasil, Cuba, Antillas Hulandes (Aruba) y Costa Rica.

Esaki lo bira pues un di e campeonatonan cu mas hopi paisnan asistente te ainda. E Instituto Nacional di Seguros a concede un poliza pa sigurá tur e hungadornan cu lo participa den e Campeonato. E Beisbolistanan ta keda aya cubri di tur e risiconan durante den e veranan cu lo worde hunga den Parke Escorial, escenario di e campeonato.

### E desfile inaugural

Tambe lo tin dokter pa asisti y atende e hungadornan durante e campeonato. Pa cada pais ta worde apunta un dokter, kende na nan yegada lo worde presenta na nan y kende lo tin e cuida di e delegacion durante nan estadia na e pais tico.

Dia 7 di april pa 7'or di anochi e acto di inauguracion lo tuma luga. E Comité Organizador ta trabando duro pa haci e un acto inolvidable tanto pa e deporte costariense como pa e paisnan cu lo participa.

E delegacionnan lo desfila cu nan bella y encantadora madrina, kende lo worde bisti tipicamente di e pais cu e tin como anfitrión. E hungadornan lo desfila cu nan uniform y lo ta pre-

sidi door di nan delegado y esun cu lo hiba bandera. E presidenti di Costa Rica, lo duna un bienvenida na e paisnan asistente y lo declara e XV Campeonato Mundial di Baseball Amateur inaugurado.

E Director General di Deporte, don Antonio Escarre Cruveni, lo tuma e himno deportivo di e atletanan, cual, ta un acto di hopi significacion. E banderanan di cada pais lo worde hisa na momento cu e himnonan lo worde toca door di e Banda Militar di San Jose.

Den e desfile lo tuma parti e miembronan di Federacion Internacional di Baseball Amateur. E comité Organizador di e XV Campeonato, e umpirenan, veteranonan fundadornan di baseball na Costa Rica, y luego e novenan di e nacionnan participante, cual lo keda cerca cu Costa Rica. Tres banda lo acompaña e desfile. E prome strike lo worde lanza door di e presidenti di Costa Rica, Lic. Mario Echandi Jimenez.

### E umpirenan di e XV

E Comité Organizador a treece for di Merca e umpire Larry Chance, kende a yega San Jose, cu e obieto di tuma un test for di e umpirenan di Costa Rica, cu lo worde usa den e XV Campeonato. E umpirenan cu a worde duna e test ta Julio Molina, Felipe Edwards, Armando Espinoza, Fernando Calderon, Orlando Sandoval, Raul Tellez, y Raul Rigama. E resultadonan di e test tabata satisfactorio pa tur.

## Probablemente Lord Home lo bai Spanja

LONDEN, 3 april. — Ta ser spera cu e minister Britanico di asuntonan exterior, Lord Home, lo bai Spanja den e simannan venidero, asina a ser informá di fuentenan cu generalmente ta bon na altura.

E corant "Daily Express" ta hanja masha importante cu dijes prome cu e reunion di NAVO, cu lo ser tene na mei. Home ta bai Spanja.

Nan ta considera e afiliacion di Spanja na NAVO, loque hasta dia e aya Merca ta persisti, urgente en co- nexion cu e decision secreta pa modifi- ca e strategia di NAVO.



GLORIA ANTERIOR NA BERLIN A SER EXPLOTA — E Anhalter- station den districto di Berlin Occidental Kreuzberg tabata traha foi 1874 te 1880 i den su epoca di den e epoca ei e tabata un dje stacionnan di mas mahestuoso, orgulloso i moderno di Europa. I awor nan a basha abao. Sic transit gloria mundi! Foi 1952 e stacion aqui tabata ser usa mas i e a decai i bira un monton di ruina, como quiere cu Rusonan no a usa mas e trafico di trein pa e stacion aqui. Tumbamento dje stacion aqui sol caba lo bin costa 1,7 million mark. E entrada principal dje stacion conoci a ser explota cu 75 ton explosivo. Despues cu a bora 50 buracu grandi den dje. Riba e portret aqui bo por forma bo mes un idea di dje.

## Gland Discovery Restores Youth In 24 Hours

Sufferers from loss of vigour, nervousness, weak body, impure blood, failing memory, and who are old and worn-out before their time will be delighted to learn of a new gland discovery by an American doctor.

This new discovery makes it possible to quickly and easily restore vigour to your glands and body, to build rich, pure blood, to strengthen your mind and memory and feel like a new man in only 8 days. In fact, this discovery which is a home medicine in pleasant, easy-to-take tablet form, does away with gland operations and begins to build new vigour and energy in 24 hours, yet it is absolutely harmless and natural in action.

The success of this amazing discovery, called VI-TABS, has been so great that it is now being distributed by all chemists here under a guarantee of complete satisfaction or money back. In other words, VI-TABS must make you feel full of vigour and energy and from 10 to 20 years younger, or you merely return the empty package and get your money back.

VI-TABS costs little, and the guarantee protects the consumer.

Restores Manhood and Vitality

**KNEM**

*your line*

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIP'S NAME	AT ORANJESTAD	FROM	TO
OBIRON	5/4	Europe, Curacao	Cristobal, W.C.A.
AMMON	5/4	New York	Curacao, Venezuela, New York,
O. NASSAU	8/4	Caribbean Cruise	Curacao, Europe
RELVAVIA	10/4	Europe, Curacao	Venezuela, Trinidad, Europe
OLAV DROT	13/4	New York, Curacao	Venezuela, New York
POSEIDON	15/4	Gulf, Venezuela	Trinidad, Gulf